

# Vuk'uzenzele



Produced by Government Communications (GCIS)

Setswana / English

| August 2016 Edition 1

## SA gaining ground in AIDS fight



Deputy President Cyril Ramaphosa with the United Nation's Secretary-General Ban Ki Moon at the 21st International AIDS Conference in Durban.

**Chris Bathembu**

South Africa is set to launch a ground-breaking Antibody Mediated Prevention (AMP) vaccine trial.

"This is the most important vaccine trial in seven years that will happen on South African soil led by South African scientists at the Medical Research Council," said South African National Aids Council CEO Dr Fareed Abdullah.

The AMP study is a new idea for HIV prevention that is related to what has been done in HIV vaccine research. In traditional HIV vaccine studies, people are given a vaccine and researchers wait to see if their bodies will make the antibodies against HIV in response.

In the AMP study, however, researchers give people the antibodies directly.

Reacting to the announcement, Health Minister Dr Aaron Motsoaledi said South Africans should welcome any initiative aimed at finding an effective HIV vaccine.

Speaking to *Vuk'uzenzele* at the 21st International Aids Conference in Durban, Minister Motsoaledi said: "We know that for both TB, HIV and AIDS we need a vaccine urgently. If we can't get one, we won't break the back of these diseases. We need a game changer and a vaccine for HIV and AIDS will be a huge one."

South Africa also used the conference to demonstrate its unique capabilities in the fight against HIV and AIDS. South Africa hosted the conference this year, for the second time, having first hosted it in 2000. Unlike the 2000 conference that was overshadowed by debates which sought to prove or disprove the clash between the politics of HIV and science, this year's event was characterised by the desire by countries to usher in

a fresh approach in the fight against HIV and AIDS. For this particular study, South Africa is one of the trial sites and there are already patients who are part of the trial and getting antibodies which are being infused into their blood to prevent HIV.

"This is a cutting-edge science. There is a lot of hope and expectation that these type of trials are key to the scientific step forward," said Abdullah. If the trials succeed, this will put South Africa on the world map in terms of finding solutions for HIV. Minister Motsoaledi said South Africa and the world have to move with speed to find an HIV vaccine, adding that vaccines are as important as the cure for AIDS. Speaking during the conference, Deputy President Cyril Ramaphosa said since South Africa last hosted

Cont. page 2



**R7 million investment benefits Bergville**

Page 4



**Tshwane empowers the youth**

Page 5

**A female farmer driven by passion**

Page 8

ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za  
www.vukuzenzele.gov.za  
E-mail: vukuzenzele@gcis.gov.za  
Tel: (+27) 12 473 0179

**Free Copy**

# Baagi ba kwa Jericho ba iponela metsi



Tona ya Lefapha la Metsi le Kgeleloleswe Nomvula Mokonyane, Tonakgolo ya Bokone Bophirima Supra Mahumapelo le di-MEC kwa pulong ya Porojeke ya Tlamelelo ya Metsi kwa Metseselegaeng ya Jericho.

**Gabi Khumalo**

**L**efapha la Metsi le Kgeleloleswe le rebotse porojeke ya metsi e e tla thusang ka tlamelelo ya metsi kwa Jericho, Bokone Bophirima.

**“Ga re kitla re setisa ditirelo go leba kwa bathong ba borona. Metsi ke botshelo mme kgelelaleswe yona ke go bontsha tlotlo.”**

Porojeke ya Tlamelelo ya Metsi kwa Metseselegaeng ya Jericho ya bokanaka R15 milione e nnile le seabe mo tsholetsong ya

ikonomi ya loago mme e okeditse gonneng teng ga tlamelelo ya metsi mo baaging ba Jericho mo Masepaleng wa Selegae wa Madibeng.

Porojeke eno e akaretsa go tlhomelwa ga dipeipi tse dikgolo, phepafatso, tekelelo le go bora metsi, go tsenya dipompo tsa metsi a a borilweng, mmogo le go golaganya dipeipi tse di isang metsi kwa motseng mmogo le mafaratlhatlha ao a ntseng a le teng le bodutelelo jwa metsi.

Fa a ne a bua mo mokiteng wa thebolo, Tona Nomvula Mokonyane o ikuetse mo bagwebing go se dirise bana go ba direla tiro e leswe ka go ba romela gore ba utswwe

didirisiwa tsa puso gore ba ba tlietse tsone mme bone ba kgone ba di rekise mo mabentleleng a bone.

“Fa e le gore o batla go gwebisana le puso, se bogise bana ba rona le ba gago. Se letlelele batho go go bogisa.”

O ikuetse gape le mo batlhankeding ba puso gore ba se rebole dithendara ka boferere.

“Matsatsi a mo malobeng a fedile. Re tla bula senthara ya megala moo batho ba ka begang boferere e bile re ikuelela mo baaging go re begela ka mokgwa mongwe le mongwe wa boferere joo ba bo itemogelang bone,” go buile jalo Tona Mokonyane.

Mo mokiteng oo, Tona mmogo le Tonakgolo ya Bokone Bophirima Supra Mahumapelo ba abelane ka Dilori tsa Ditanka tsa Metsi mo baaging ba ba dikobo dikhutshwane.

Lori e nngwe le e nngwe e ka rwala metsi a le kana ka dikhilolitara di le 100.

Tona o ikuetse mo baaging go tshameka karolo ya bona mo go sireletseng mafaratlhatlha a puso ao a tshwanetseng go tokafatsa matshelo a bona.

“Ga re kitla re setisa ditirelo go leba kwa bathong ba borona. Metsi ke botshelo mme kgelelaleswe yona ke go bontsha tlotlo. Re tshwanetse go mekamekana le batho ba ba utswang ditlhogwana le dipompo tsa metsi”.

## Peeletso ya bokanaka R7 milione e thusa baagi ba Bergvill

**MEBASEPALA YA KWAZULU-NATAL** e a unngwelwa go tswa mo Leraaneng la Itharabologelo ya Ditorotswana.

**Thandeka Ngobese**

**D**ipeeletso tsa puso mo go netefatseng gore baagi ba metseselegae ba fitlhelela ditirelo di age tse baagi ba teropo ya Bergville tikwatikwe ya ditirelo tsa botsamaisi jwa ditiragalo tsa matlhotlhapelo mmogo le tikwatikwe ya diteko tsa dilaesense tsa go kgweetsa.

Leraaneng la Itharabologelo ya Ditorotswana le unngwetse mebasepala e le mmalwa go akaretsa wa Ukhahlamba kwa Kwazulu-Natal. Bergville ke karolo ya masepala ono.

Lefapha la Pusotshwaraganelo le Merero ya Setso (Cogta) le dirisitse madi a a fetang R7 milione mo go itharabologelweng ga Bergville.

Mokhuduthamaga (MEC) wa Cogta Nomusa Dube-Ncube, mmogo le MEC yo a sa tswang

go thapiwa wa Dipalangwa le Pabalesego ya Baagi Mxolisi Kaunda, ba thankgotse dikgatelopele tseno mo malobeng.

MEC Dube-Ncube o bole tse gore maitlhomomagolo a Leraaneng la Itharabologelo ya Ditorotswana ke go godisa ikonomi mo metseselegaeng le go tlhola tikologo e e babalasegileng e bile e le phepa gore e kgone go somarela, go ngokela le go katolosa dipeeletso.

“Mo thulaganyong eno diphatlhatiro tsa nakwana di tlhodiwa ka go tlhatlosa mafaratlhatlha fa mo le lengwe diphatlhatiro tsa leruri di tlhodiwa ka dipeeletso tsa lekala la poraefete tseo go iponagatsang gore di tla ngokelwa go ise go iwe kae. Bašwa ba feta ba le 40 go tswa kwa masepaleng wa Ukhahlamba ba katisitswe gore e nne batimamolelo.

Bojotlhe jwa bone bo iponetse diphatlhatiro tsa leruri fa tikwati-

kwe eno ya ditirelo tsa botsamaisi jwa ditiragalo tsa matlhotlhapelo e ne e thankgololwa.

Badiredi ba tshireletso le ba ba phepafatsang le bone ba ne ba thapiwa. Masepala ono mo malobeng o ne o itshetlegile ka batimamolelo ba masepala wa Ladysmith/uMnambithi.

Seno ka gale se ne se raya gore pabalesego ya bajanala le ya baagi e ne e se kwa setlhoeng,” go buile jalo Dube-Ncube.

MEC Kaunda gape o tsaya fa thankgololo eno e nnile phitlhelole e kgolo thata.

“Baagi jaanong ba tla boloka madi a go tsaya maeto a go leba kwa Ladysmith, go iponela ditirelo tseno tseo jaanong ba tla iponelang tsone mo setšhabeng sa bobone sa Bergville,” ga bua jalo MEC Kaunda.

Kgosi Menzi Hlongwane wa Bogosi jwa AmaNgwane o rile ba itumeletse dikgatelopele tseno.



Tikwatikwe e ntšhwa ya ditirelo tsa botsamaisi jwa ditiragalo tsa matlhotlhapelo e tla netefatsa gore baagi ba Bergville ba a babalasega.

“Seno tota ke sesupo sa gore puso ya rona e itomile sesino mo go tlhabololeng metseselegae. Re ne re setse re itlhobogile gore rona fano mo Bergville re tla tsoga re nnile le seteišene se se reng rona wee, e bile tikwatikwe ya dilaesense yona re ne re sa e lebelela ka gope,” o tlhalositse jalo.

Yo mongwe wa batimamolelo, Nompumelelo Mhlungu, o tlhalositse gore fa a ne a utlwela ka katisetsotiro eno o ne a tshaba go tsenya kopu, a akanya gore ba ka se tseele tlhogong kopu ya gagwe.

“Ga se nnete gore fa o batla go iponela tiro mo pusong o tshwanetse wa bo o na le mo-

ngwe yo o mo itseng kwa setheong seo. Go ne go se ope yo ke neng ke mo itse. Ke utlwetse ka tšhono eo, ka tsenya kopu mme ba ntsaya. E tota e le nnete gore puso e neelana ka ditšhono go maAforika Borwa otlhe ka teka tekano,” o tlhalositse jalo.

Meyara wa Masepala wa Selegae wa Ukhahlamba Thulani Sibeko o tlhalositse gore kgato eno e tla bolokela batho bao ba batlang go dira dilaesense tsa go kgweetsa madi a mantisi.

“Baagi ba fano ba ne ba tshwanelwa ke go leba kwa Estcourt kgotsa kwa Ladysmith, fela jaanong ba tla ikela mo mafelotirelong ano a a fa gauifi le magae a bone”.

# Tshwane e matlafatsa bašwa

Nosihle Shelembe

**L**enaane la Teropokgolo ya Tshwane la Tshepo 10 000 le ikaeletse go natlafatsa bašwa. Le na le dithuto tse di mabapi le tlhabololo ya bokgoni ka mokgwa wa thuto le katiso ya boitshimololeledikgwebo mmogo le tse

di mabapi le tiriso ya matlole le go itlhamela dikoporasi.

Lenaane leno gape le neelana ka ditšhono tsa go iponela ditšhono tsa kgwebo mo pusong ka mananeo a teropokgolo a botsamaisi jwa tlamelo ya taolo ya dithoto le katiso go oketsa palo ya tshomarelo ya dikoporasi le go netefatsa fa go

nna le ditiro tsa leruri.

Fa lenaane leno le ne le thankgololwa ka Phukwi 2013, teropokgolo e amogetse dikopo di le 52 000 go tswa kwa dikgaolong tsotlhe di le supa tsa Tshwane, fela ke batho ba le 10 000 ba ba tlhophilweng.

Go ya ka sebueledi sa meyara wa Teropokgolo ya Tshwane,

Blessing Manale, dikoporasi tse di tlhomilweng ka tiro ya setegeniki di tlhomile diphatlhatiro tsa nakwana di feta di le 2 662.

“Teropokgolo gape e neile dikoporasi di le 279 ditšhono tsa boleng jwa bokaneka R247 809 696.71,” Manale o tlhalositse jalo. Ditšhono tseno di akaretsa

tlamelo ya dithoto le kabelo ya tiro ya setegeniki e e akaretsang tlhokomelo le phepafatso ya kwa dipupung tsa baswi, go tsenya le go thala matshwao a mo mebileng, ditirelo tsa phepafatso ya meago ya masepala, ditirelo tsa go sega bojang, go tsenya dimitara, go penta le go baakanya meago. **V**

## Lenaane le le ka ga tlhabololo ya bokgoni la Tshwane le totile bašwa



Nosihle Shelembe

**F**a Nteseng Mogorosi a ne a konosetsa dithuto tsa gagwe tsa materiki ka 2004 o ne a itse sentle gore o batla go itshimololela kgwebo, ka ntlha ya fa a ne a itse gore e tla mo letla go nna komang ka nna wa botshelo jwa gagwe.

O ne a ikwadisetsa dithuto le Yunibesiti ya Witwatersrand go iponela tekeri ya *Bachelor of Accounting, Science*, fela ka go tlhoka lesego o ne a retelelwa ke go ka e konosetsa ka ntlha ya go

tlhabela matlole.

Ka lesego botlhotlhi jwa motlakase jwa Eskom bo ne jwa mo naya tšhono ya go ka ithutela *National Diploma in Financial Management* kwa *Central Johannesburg College*, ka lenaane la go ithuta le le tthagisitsweng ke setheo seno.

Fa a ne a konosetsa dithuto tsa gagwe ka 2009, o ne a neelwa tiro ya leruri jaaka motlhandiramatlotlo wa leneotuelelo megolo kwa Eskom.

Fela Mogorosi o ne a santse a kakatletse toro ya gagwe ya go itshimololela kgwebo mme o ne a rola tiro ka 2011 go itshimololela kgwebo ya gagwe ya dipalangwa.

O ne a reka teroko, eo e rwalang dithoto go di isa kwa Zimbabwe go tswa mo Aforika Borwa, fela kgwebo ya gagwe e ne ya phutlhamama morago ga gore teroko ya gagwe e thule.

“Ka nako eo kgwebo e phutlhamang, go ne go le bokete. E ne ya nna nako e e bokete thata

mo botshelong jwa me. Fela go ne go sena gore nka ineela ka ke ne ke setse ke na le ngwana yo ke neng ke tshwanetse go mo tlhokomela.

“Mo nakong eo ke ne ke buisa dibuka tse dintsi tse di ka ga batho ba ba atlegileng mo kgwebong mme bontsi jwa bone bo ne bo kile jwa itlholihora lerole gangwe le gape.

Ke ne ke na le dingwaga di le 25 mo nakong eo mme ke ne ka ipolelela gore ke santse ke na le nako e ntsi ya go ka itlholihora le nna ka ke ne ke santse ke le monnye,” Mogorosi o ne a bua jalo.

Ka 2013, o ne a utlwela ka Lenaane la Teropokgolo ya Tshwane la Tshepo 10 000 le le ka go boitshimololeledikgwebo le go tlamela ka bokgoni mme o ne a se tlhole a re maloba ke maabane.

Morago ga gore Mogorosi a konosetsa katiso eno, ene le badirimmo go ka ene mo kgwebong, bao a kopaneng le bone mo nakong ya katiso mo lenaaneng leno, ba ne ba kwadisa koporasi

eo e bediawang Mokopu Group.

Ka Mopitlwe 2014 kgwebo eno, eo e nang le ditirelo tsa phepafatso, go sega bojang le go lwantsha ditshenekegi le go tlamela ka didirisiwa tsa phepafatso, e ne ya kwadisiwa.

Ga jaana e thapile badiredi ba leruri ba le 17 le ba nakwana ba le 60.

“Kgwetlhogolo eo koporasi e neng e tobane le yona kwa tshimologong e ne e le ya tlamelo ka matlole. Go ne go le bokete gonne fa re ne re neelwa nomorotshupotiro, Teropokgolo ya Tshwane e ne e batla gore re diragatsa tirelo eo ka madi a rona mme rona re tla bo ra duelelwa morago ga matsatsi a le 30,” ga rialo Mogorosi.

“Mo godimo ga foo, dibanka ga di adime dikoporasi. Ga ba na dipholisi tsa go thusa dikoporasi ka matlole, ka jalo, ga re a bona thuso epe ya matlole go tswa kwa dibankeng,” go tlhalosa Mogorosi.

O tlaleditse ka gore badirimmo go le ene mo kgwebong ba

ne ba tshwanelwa ke go adima madi mo malapeng a bobona gore ba kgone go atlega mo go abeng ditirelo tseo di solofetsweng mo go bona.

“Fa re ne re simolola, yo mongwe le yo mongwe wa rona o ne a tshwanelwa ke go ntsha R100 ka kgwedi go thusa kgwebo eno, e leng madi ao a neng a dirisediwa go namela le go diragatsa merero e mengwe ya kgwebo, e e jaaka go iponela lekwalonete-faletso la BEE le go kwadisa kgwebo.”

Le fa go na le dikgwetlho tsa go tsamaisa kgwebo, Mogorosi o rotloetsa bašwa go itshimololela dikgwebo.

“Fa o ka leba diikonomi tsa dinaga tse di atlegileng, bontsi jwa tsone bo ikaegile ka dikgwetlho bopatlana.

“Tshepo 10 000 ke letsholo le lentle thata ka ntlha ya gore bontsi jwa bašwa ba ba tsenetseng letsholo leno mo nakong eo ba ne ba sena ditiro mme ba batlana le ditiro,” o buile jalo. **V**

## Motlakase o o mo molaong mo mafelong a baipei ba Joburg

Albert Pule

**C**ity Power, setheo sa Teropokgolo ya Johannesburg, se beeletsa dimilionemilione go fokotsa motlakase o o seng mo molaong le go netefatsa fa go nna le pabalesego mo tirisong ya motlakase mo mafelong a baipei ba teropokgolo le ba ba mabapi.

Mokaedimotsamaisi wa Namaotshwere wa City Power Sicelo Xulu o tlhalositse gore thulaganyo ya motlakase e e akaretsang go tsenyediwa dimitara tsa motlakase o o duelelwang kwa pele, e tla tota mafelo a baipei a le 189 mo Teropokgolong ya Johannesburg.

Mafelo a baipei a kgaogantswe ka dikgaolo di le tharo. Setlho-



Baagi ba ba nnang kwa mafelong a baipei ba tla iponela motlakase.

pha sa ntlha ke seo se tla tlhabololang ke teropokgolo mo nakong e e sa fediseng pelo. Sone se tla latelwa ke seo se tla tsayang sebaka sa dingwaga di le 10 gore se tlhabololwe fa bodulo jwa bofelo bone bo tla fudusiwa.

“Tseno ke ditheokaelo tseo teropokgolo e di tsereng mme re beetse kwa thoko R1.3 bilione

go dirisediwa thulaganyo ya motlakase mo dingwageng di le tharo tse di tlang.”

Xulu o tlhalositse gore le lengwe la mabaka a a dirang gore ba tsenye motlakase mo mafelong a baipei ke go fokotsa kimetso ya motlakase ka ntlha ya go gogelwa motlakase go go seng mo molaong.

“Ba bangwe ba baagi ba mafelo ano a baipei ba ipeile gaufi le makeišene gore ba kgone go goga motlakase e leng seo se imetsang mafaratlhatlha a motlakase a makeišene ao.

“Megala yotlhe ya motlakase e e gogilweng go se mo molaong e tla epololwa mme go tla simololwa lešwa go tsenya motlakase. E tla tsenywa dimitara mme ba tla simolola go o duelela.”

Go fitlha ga jaana City Power e gogetse lefelo la baipei la Setsweta (Alexandra), Lolly Station (Lenasia), Princess Plot (Roodeport) le la Naren Farm (borwa jwa Johannesburg).

Mo malobeng, Moporesitente Jacob Zuma o ne a tshuma motlakase mo malapeng a le 7 000 kwa lefelong la baipei la Thembe-

lille kwa Lenasia, borwa jwa Johannesburg.

Porojeke ya Thembelihle e ka ja bokaneka R90 milione mme e ikaelela go netefatsa gore baagi ba fano ba itumedisa ka motlakase o o babalesegileng o o tlamelwang ke Teropokgolo ya Johannesburg.

Mo nakong ya go tshuma motlakase, Moporesitente o ikuetse mo mebasepaleng e mengwe go ithuta go tswa mo porojekeng ya Thembelihle mme ba e dirise jaaka sekai mo baaging ba bone.

Teropokgolo ya Johannesburg le City Power ba thankgolotse gape le motlakase o o babalesegileng e bile o bolokesebile go tshumela Hosetele ya Diepkloof kwa Soweto ka diyuni tsa motlakase di le 200. **V**